

## Aalaitig fir dr Winzigwaich (Microsoft) Mediapleier zää.

Zwägg vo deren Aalaitig:

Du sellsch am Schluss kenne Fasnachtsmärsch in dr vo Dir gwindschte Gschwindigkeit abschpiile.


Vorussetzige:

Du bruuchsch e Windoof PC, meeglisch XP, e Saundkaarte und Luttschprücher und nadyrlig dr Mediaplaier vo Winzigwaich in dr Version zää oder heecher. Falls De dr Pleier nur settisch inere eltere Version ha, kunnt am Schluss vo däm Dokumänt none kurzi Aalaitig wie de zenere aktuelle Version kunnsch.

Zerscht schtartesch emool dr Mediapleier.

Kligg uff „**Schart / Alle Programme / Zubehör / Unterhaltungsmedien / Windows Mediaplayer**“

Jetz kliggsch uff dä glai Pfyyl und denn in däm Menue wo kunnt uff: „**? / Info**“




Wenn in däm Fänschterli die Version schtoot, isch guet, sundsch muesch zerscht dr ney aabesugen und inschtalliere (lueg wytter unde)



Jetzt goats loos. Zerscht muesch das Schtiggli wo de wotsch loose usswähle. Dodfir gääbs e ganzi Hampfle vo Meegligkaite. Jeede machts wiener wott. Wichtig isch nur, dass De die gwindschti Wiidergaabegschwindigkeit erscht kasch usswääle, wenn des entschprähendi MP3-File ussgwäält hesch.

Do also ai Wääg:


Wider uffs Pfyylig kligge denne uff: „Datei / öffnen“ denn griegsch e Fänschterli ungför wie das:



Wo Du Dyni Muusig-Files z ligge hesch, wais ych nadirlich nid. Wenn De denn uff „Öffnen“ kliggt hesch, muesch d Wiidergoob zerscht schtoppe. Denn kasch wiider uffs Pfyylig kligge und denn uff:

„Ansicht / Erweiterungen / Wiedergabegeschwindigkeit“

Sodeli, jetze kasch mit däm Schieberegler Dy Schtiggli langsamer oder schnäller laufe losse.



Vill Schpass bim iebe.

## Aahang ains!

Wie kumm y zer neyschte Version Mediapleier?

Goosch ins Inernet (schartesch Dy bevorzugte Internet-Brauser) und gisch die folgendi URL yy:

<http://www.microsoft.com/switzerland/de/default.aspx>

deerte kliggsch uff „downloads“ suechsch dr Mediaplayer 10 oder 11 uss. Ladschen aaben und inschtalliersch Dr en.

Fir das mach y nur e Schritt fir Schritt aalaitig falls das iberhaupt ebber beneetigt.

Syg aifach nid z schych Di bi mir z mælde, falls De gnaueri Aalaitig dodrfir bruuchsch.

In däm Sinn au dodrby vill Schpass.

Rolf

Sonntag, 24. Dezember 2006

